

臨武縣志卷之二十七

錢法志

自歷山鑄幣泉布以興至太公設九府圜法其用遂廣周禮外府掌賚賜泉府掌貿易而財物之阜通莫不因錢爲斂散其後歷朝異制重或當十當百輕則鵝眼榆莢肉好不具輪郭徒存夫重則慮其盜銷輕則虞其盜鑄均之非長策也古制之善莫如五銖開元爲最我

國家定制監漢唐而益精之銅鉛搭配輕重適宜盜鑄

臨武縣志

卷之二十七

錢法志一

盜銷兩無所慮矧臨武夙無礦廠銅鉛莫覓盜鑄奚由且民貧俗儉器具質朴銷亦無所用之惟是崎嶇山路負荷維艱鬻販往來少或用錢多則以銀易之

此臨邑懋遷化居之大畧也志錢法

曹家玉識

唐武后時錢非穿穴及鐵錫銅液皆得用之熟銅排斗沙澀之錢皆售自是盜鑄蜂起先天之際郴衡錢纔有輪郭或鎔錫模錢須臾百千

文宗太和間鹽鉞使奏湖南管内衡道諸州連接嶺南山峒深遠百姓依摸監司錢樣競鑄脆惡奸錢與

好錢相合行用其江西鄂岳桂管嶺南有出銅錫處亦慮私錢濫錢並請要本道觀察使條疏禁絕勅旨宜依

宋徽宗時蔡京當政陝西轉運副使許天啟迎合京意請鑄當十錢以歲所鑄小平錢增料改鑄並令衡鄂等錢監用陝西式鑄折十錢趙挺之極言不便遂詔荆湖等路改用折二錢大觀初京復相再主用折十錢降夾錫錢式及錢母於鑄錢之路三年京罷始改鑄小平錢

臨武縣志

卷之二十七

錢法志二

元世始終用鈔錢幾不行明初沿元舊習用鈔然亦雜用錢鑄洪武通寶嘉靖時鈔久不行錢亦大壅專用銀矣先是民間行濫惡錢率以三四十錢當銀一分後益雜鉛錫薄劣至以六七十文當銀一分隆慶時從高拱言錢法稍通崇禎間荊州抽分主事朱大受言荊州上接黔蜀下聯江廣商販銅鉛畢集一年可以四鑄遂定錢式每文重一錢每千值銀一兩然日以薄惡大半雜鉛沙百不盈寸摔擲輒破碎末年勅鑄當五錢不及鑄而明亡我

朝定鼎懲前代泉幣之失嚴禁私鑄特定式樣最爲完善設寶源寶泉二局復於坑冶近地設局分鑄如順治康熙雍正乾隆嘉慶各通寶溥海內外罔不流通民間所用制錢稱曰官版

臨邑地處山凹中凡商賈貿販上下楚粵錢重難運每交易錢少銀多約計紋銀一兩可換制錢一千文間或錢價昂則一千不足銀價昂則一千有餘其大較也

乾隆二十七八年間粵用洋銀花錢每銀一圓重七

臨武縣志

卷之二十七

錢法志三

錢二分中鏤山水花卉名銚劬錢鏤人物名鬼頭錢臨之經商者取其輕便遂因之近日花銀稍通每圓換制錢七八百文不等紋銀兌換徑相抵元絲作八錢鄉市買賣成數用花銀零數悉用制錢